

docer 文川网
入驻商家
在文川网搜索古籍书城 获取更多电子书


中國方志叢書·華南地方·第一八七號

據清·郭汝誠修，馮奉初等纂
咸豐三年刊本

影印

廣東省

順德縣志



2011/10/15

成文出版社有限公司印行



中國方志叢書·華南地方·第一八七號

據

清·郭汝誠修，馮奉初等纂
咸豐三年刊本

影印

廣東省

順德縣志



成文出版社有限公司印行



10096515

中國方志叢書·華南地方·第一八七號


據

清·郭汝誠修，馮奉初等纂
清·成豐
年刊本

影印

廣東省

順德縣志



9075

成文出版社有限公司印行



10096516

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華南地方·第一八七號


據

清·郭汝誠修，馮奉初等纂
清·咸豐三年刊本

影印

廣東省

順德縣志



成文出版社有限公司印行



10096517

919076

中華民國六十三年十二月臺一版

順德縣志

全九冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

順德縣志卷之十七

藝文畧一

案自來編纂州縣志乘必彙列其鄉人詩若文之有關政
治土風或畧廟建置古蹟名勝次而錄之曰藝文浸假而
借才異地但縉紳著述卽香入焉浸假而無裨邑政但尋
常游詠卽香入焉而八景名目緣地造端不減不增迨同
板印固陋之譏沿明以迄今茲由來舊矣嶺南自謝啓昆
通志廣西易以史志四部例至是前哲撰著卷帙始有所
附麗以傳方來嘉道間廣東志遂倣爲之一時採入者若
星羅碁布搜求散佚爲功滋大三十年來凡府州縣續有
修輯無不奉爲南車矣顧著錄之例代有更張義無踵襲
厯覽正史而外書曰之修於公者如崇文如中興如內閣

已覺言人人殊私家則晁陳馬尤以下無慮數十家大率各明一義非中多矛盾卽互見參差迨

欽定四庫書總目出然後旭華所照陰翳全消肇啓金繩遂宏玉律蓋按門別戶類各相從子目之中仍可析隸用能條分件繫朗若列眉循軌編摩誠爲至便吾順本南海離明地夙號人文淵藪大手著作卓有可觀自來俗尙聲詩操觚家旣弗可數計而優游林下者往往假吟詠以自娛故詩集之鐫幾等南渡蘭亭家蓄一石數經兵燹散佚漸多開局之初以網羅爲先務議以繳至首尾完善者爲之詳其卷第著其序言次則考諸志傳旁及昔賢文字今雖未見而確有其書者收之又次則採訪所及徵於狀誌耳目眾著者亦收之謹依四庫全書類目悉次於篇各具

其時代姓名有傳於志者不復重著仕履先是通志成後更事歲修阮文達議及權宜創有見在人錄其已成著作而不收及詩文之例今慮漫無限制且非論定本意仍以存沒爲去留如古例焉書目各記所出卽見存者亦註之示慎也

藝文一

經部

周易折要四卷

明楊節撰
張府志

案志載藝文必著其存佚未見然止據一時之見聞採訪安知其不存諸異地概以未見爲佚未免太固今但各據其書目所從出其見存者亦舉所出爲証又人具爵履已見表傳及本類再見者則不復複著有著撰名目同者按

之舉例於此

周易雜佩 易傳續言 並明陳善藏撰 陳志

案馬端臨文獻通考於一家所著者同列標目不分門類如樊宗師集與守園池記同編是也今以一人而同類別著者彙為一處標目餘仍各歸各類庶部別居分發凡於此

易韻 易摩 並明梁繼善撰 葉志

周易說 明梁王翰撰 張府志

易韻數法 明陳邦彥撰 巖野遺集

易覽二卷 國朝胡天寵撰 採訪冊

案天寵字衢陟桂洲人舉人以子景會官武昌守封中憲大夫

易經象燭

國朝鄧代環撰

周易意解

國朝李文焯撰

易經撮要圖經

國朝吳奇遇撰

周易集證六卷

張府志 國朝梁泉撰

案泉初以五代史記傳舉證周易各案卦象爻象意隨取一事為之證後以五代事蹟不敷乃廣及十七史書甫成裝為草冊將俟再訂尋以會試道卒未及刻今書尚存

周易適變二卷

國朝黃奎撰

易經講義

國朝勞文昭撰

周易講義六卷

國朝蔡元撰

周易從善錄

國朝伍尹選輯

易象圖說

國朝唐吉士撰

易經句解

國朝羅行義輯

案行義字機正大良人諸生

讀易口義

國朝楊一夔撰 俱全上

八索九邱解

國朝羅國器撰 姚志

案尚書序八卦說謂之八索九州志謂之九邱是二者原各自為書故通考以三墳入書從其義也索為易類屬經部邱為地理類屬史部而一書不可拆載今從其先附此

右易類

尚書珍一卷

國朝孫卓然撰 採訪冊

案卓然字延健號立軒喜涌人諸生

右書類

毛詩翻疑

明李廷龍撰 阮通志

葩經翼四卷

明羅宸采撰
羅躍劍集

詩鵠

國朝梁善善長撰
祝通志

詩經集成

國朝陳子毅著
採訪冊

案子毅桂洲人與其父國學生朝書著有文集別著錄

右詩類

禮經割義

明何鯨撰
粵大記

案烈與兄鰲姪思贊合著四書要旨存以無主名附此

禮記疏注

明周南撰
張府志

禮鵠

國朝梁善善長撰
採訪冊

禮記陳氏集說補正附論

國朝羅禮琮撰
行述

右禮類

春秋測一卷

明黃聖年撰
龍山鄉志

春秋輯義 國朝楊邦撰 採訪冊

案邦字作其桂洲人

春秋從善錄 國朝伍尹選撰 全上

春秋集義一卷 國朝薛耀祖撰 龍江鄉志

右春秋類

孝經集善一卷 明孫黃撰 黃通志

未濂序曰孝經一也而有古今文之異者蓋遭秦火之後出於漢初顏芝之子貞者為今文凡十八章而鄭元為之注至武帝時得於魯恭王所壞孔子屋壁者為古文凡二十二章孔安國為之注後世諸儒各騁己見尊古文者則謂孔傳已出孔壁語甚詳正無俟商確揆於鄭注雲泥致隔必行孔廢鄭於義為允况鄭元未嘗有注而依倣託之者乎尊今文者則謂劉向以顏芝本參校古文省除繁惑而定為今文無有不善為之傳者縱曰非元所作而義旨實敷揚若夫古文并安國之著其亡已久世儒欲崇古學妄撰孔傳又偽為闈門一章文氣凡與不合經典將何所取微哉二者之論雖莫之有定然皆並存於時自相傳授自唐元宗注用今文於是今文盛行而古文幾至廢絕宋司馬溫公始專主古文撰為指

解上之且憫流俗信偽疑真諄諄見於言辭之間以子觀之古今文之所異者特辭語微有不同稽其文義初無絕相遠者其所甚異惟閨門一章耳諸儒於經之大旨未見有所發揮而獨斷然致其紛紜若此抑亦未矣自伊洛之學興於朱子實起而繼之於是西衡山胡氏王山汪氏之疑而就古文考定分爲經傳去其衍文及不合經旨者千載是非遂定於一元室之初吳文正公出於臨川又以今文爲正類遵刊誤章目重加訂定而爲之訓解其旨益明而無遺憾也廣東孫君蕢讀而悅之因增以諸家所注名曰孝經集善而其大義則以朱子及吳公爲之宗蕢通經而能文詞采擇已精而又發於己意其書當可傳誦故子爲疏歷代所尙之異同序於篇端蕢字仲衍洪武壬寅鄉貢進士今爲憲染局使云

孝經約解二卷

阮通志

右孝經類

詩易疏解

宋張翔秦撰
張氏族譜

詩經主意

四書折衷

並明羅俞撰
採訪冊

五經要義

龍國朝溫泉清撰
龍山鄉志

五經通解

國朝羅國器撰
採訪冊

五經彙說

國朝潘湖撰
全上

十四經附錄

國朝馮龍官撰
載關錄

按附錄之例考同異具音誼大畧如陸氏經典釋文而時及古義異義見於所撰幼學十書題記當時先成孝經故所附獨詳龍官所著載關錄以辛錄載家書及自撰用急就奇觚等字編號皆以冊名此與所撰周秦二十八種合為四十冊而未嘗別此為若干冊雖未及付梓齋志以歿然實已成書藏於家矣

十三經疑義彙纂

國朝潘大鄭撰
古樓潘氏族譜

右五經總義類

四書析義

宋張鎮孫撰
張氏族譜

學庸圖說一卷

明梁王翰撰
姚志

四書講意 明馬壯行撰

四書祕義 明余帝選撰

四書蠡測五卷 明羅宸采撰

大學正義 國朝楊遠撰

四書遺講 國朝鄧代環撰

四書講義 國朝胡炳撰

四書鐸 國朝吳奇遇撰

四書在茲堂管見 國朝黃璉撰

案璉字伯瓚陳村人候選州同知

四書講義 國朝李一桂撰

四書拔萃六卷 國朝葉重撰

四書講義 國朝梁文泗撰

docsriver 文川网
入驻商家 古籍书城

在文川网搜索古籍书城 获取更多电子书

四書雋玉

國朝馮致和撰
龍山鄉志

案致和字玉贊龍山人諸生

四書摘解

國朝馮必得撰
採訪冊

四書明辨

國朝羅禮琮撰
行狀

大學中庸說

國朝吳維彰撰
採訪冊

案維彰字顯庸又字晦亭黎村人嘉慶丁卯舉人此其講

學容山書院時所著

重訂四書易簡錄

國朝黃日高訂
全上

大學正義

國朝胡景憲撰
張府志

安舟講義

國朝蘇珥撰
採訪冊

學庸學義

國朝吳維彰撰

學庸研精四卷

國朝翁玉章撰
俱全上

右四書類

訓蒙三字經

元區適子撰
黃通志

案此為粵中啓蒙最初之書相沿不改者數百年坊間之板如恒河沙不可數計矣其中承轉變化語極淺而作極難卽此可證其文字

唐音

明音

並明潘光統撰
採訪册

續李氏蒙求註纂

國朝何太青撰
春暉堂集

音畫求真

國朝陳念先撰
同上

爾雅註一册

說文解字註

古籀文註

並國朝馮龍官撰
載關錄

按載關錄云爾雅注撰成使弟子丙樞述之丙樞為龍官族弟幼沉默善讀未冠餼於學蚤死錄以說文籀文二註合因學紀聞註為十五册而兩書不言册數又案爾雅漢

志附孝經六書歸小學隋沿其例唐志則別入訓詁馬氏

通考以入小學 四庫全書所本也今依之

幼學十書十五册

載關錄 國朝馮龍官撰

自題記云劉侍中載弟子職於六藝畧尚矣宋人有十書類
 編又有張時舉所集五書皆首弟子職及女誡茲參以急就
 一篇者以是為古小學之書之僅存者也次韻千文世所競
 尚且亦不無可取故次之易通以蒙求之誼終章固示人以
 幼學矣西銘之與太極圖說理則精微而實未嘗不可以為
 立教之基養正之用此七書文字簡約故為離句大書以易
 發蒙至如小學內外篇於幼學至為切近雖其書不盡出紫
 陽之手然較之趙師淵之分註資治通鑑綱目則大醇矣越
 若我朝上諭十六條又若萬言訓字內頒行尤
 學子所宜熟誦其不以駕諸前代之上者蓋四庫編錄之
 法而幼歲未能讀史則杜氏所論不可以其畧而忽之也故
 以爲十書之數書各有附錄考同異其音誼與新校十四經
 廿四史周秦書各文選王臺新詠同今且錄書文而次其
 月爲記一弟子職一冊二急就篇一冊三女誡一冊四千字
 文一冊五太極圖說一冊六通書一冊七西銘一冊八小學
 書六册九 聖諭廣訓一冊十讀史論畧一册凡十五册
 前七册裝一 表凡二表

案龍官所集十書其太極圖說及通書西銘則宜入儒家而讀史論畧則宜入史評今以作書者本意統隸於此其所云十五册則據載關錄此云二表蓋又積十五而二之也

右小學類 以上經部

史部

綱鑑前編綱目七卷

明孫資撰黃通志

右編年類

戰國策論

國朝梁兆榜撰觀察集

右雜史類

疏要四卷

明梁元柱撰姚志

疏議

明林志孟撰金通志

頁德系志

卷十七

藝文畧一史

司餉疏鈔四卷 明龍貞撰

胡南石奏稿 明胡平運撰

案前獻陳牘或歲久而佚或當年已焚棄不存存者又往往編入本集今就其單行者著錄

右奏議類

名臣言行錄 宋張鎮孫撰

廣陵十先生傳 明歐大任撰

李攀龍序廣陵十先生傳曰人才之生雖地氣使然哉易嘗不繇應運而興者乎應運而興則地氣運會人才相感以勸其成然後闕之不為沮挫之不為變也我世宗肅皇帝以聖文神武治天下首上五十年乃廣陵有先生十人洪承之以際於斯為盛矣諸公之點如皋令與王公之說蕭敬景伯時趙叔鳴之仲逆孽也未升之之棟顧開封與蔣子雲之諫南特也曾公之吟吟於遠左與桑子木之傾於骸骨之疏宗子九之祭揚太僕也所不罹者朱子价一人而已奈何十人而九闕之九挫之乎肅皇帝德宦者煽亂而制奸臣之命斯運之所由起也予往見歐君僑矯自史才而致意乎作者有鑒裁

矣善乎傳所謂廣陵在漢時吳王好文辭而大山小山之作
奮自淮南彬彬哉明與二百年廣陵多文學之士乃今始有
宗臣云今勿論其所得即自儲公已力圖復古推轂獻吉仲
默輩而伯時子雲叔鳴升之亦各以聲藝翺翔李何間矣子
相後出相勸而成者乎翺翺孔璋之流也世方病文學之士
無吏事登陲而守福州者誰與永安之捷與海防二三策豈
一語不相合也而況馬政軍餉緩夷導河如儲王以下諸公
所至有績者乎故闕之不為沮挫之不為變進則謀國家退
則著文辭自董生而授經術之業有如十先生廣陵得以稱
文獻之邦矣何應運而與河套之議卒撓於讒而不得以復
國家二百年之疆圉設令子木之奏行而嚴氏者與三尚書
並罷豈有侔主之禍也豈廣陵地氣微不能與運會而適至
是子傳言儲受知尹恭簡朱納交邊庭實二公皆予里人叔
鳴於察副使會公都御史又皆在山東子价同年進士而子
相則傳所謂昔者吾友也十人而得其六
是傳也以徵文獻則足矣其斯實錄云

百越先賢志

全明歐大任撰

四庫全書提要明歐大任撰自句踐苗裔散處海上有閩越
甌越西越駱越諸名而統名曰百越大任搜採先賢事蹟自
東漢以下得百二十人兼及吳也大抵依據史傳不甚採雜書其間有
則不載以其兼及吳也大抵依據史傳不甚採雜書其間有
遺漏在此其體
例嚴謹亦在此

頁無系三

卷一

藝文畧一史



古今名節集 明黃朝賓撰 張府志

德政錄 明鄧鑑撰 全上

列郡名賢傳 國朝羅良會撰 阮通志

名臣琬炎錄 國朝薛當時撰 姚志

前朝登科入仕考 國朝蘇瑛撰 阮通志

豔史四卷 明黎景義撰 二九集

按序詳二九集

年譜 明會宜高撰 姚志

曲江年譜一卷 國朝溫汝道撰 龍山鄉志

右傳記類名人之屬

案隋唐志宋三朝兩朝四朝中興諸目彙為雜傳馬氏通考則標目曰雜傳而小注曰傳記惟國朝四庫全書總

目各分子眉目較津河今謹依之

張狀元家譜 宋張鎮孫撰

羅氏家乘 明羅虞臣撰

平陽家乘二十卷 明歐大任撰

黃氏家譜 明黃聖元撰

林氏家乘 明林逢春撰

夏陽家乘 明梁繼善撰

梁氏家譜 明梁宇焯撰

梁氏家譜 明梁象先撰

黃儒炳序曰逢簡梁氏為邑著姓其先出自伯益受姓者莫不祖之而逢簡之梁則以招討公為鼻祖公勳猷節義赫然名世自汴遊嶺南卜居逢溪遂為逢溪梁族招討公後世有聞人愿宋至勝國迄明興軒裳濟美家聲奕奕不墜子姓繁衍幾半郡邑惟逢溪則哀然魁宿以青箱振其弓裘傳世五六時有起而譜之者御史邢公宥通政使陳公璉為之序今頁惠系志 卷十七

闕世十有四葉矣榮君象先其先人星橋公念族久無譜不
撰即離復增輯之譜其諱字年壽卒葬且日闕祖德而垂繩
武聯一氣使罔不敦睦美哉用心可以風矣象先克承先志
編梓以傳若世系若世牒若世宦若世恩若上壽真節行傳
交藝宗法祀典祭產祠塋無不臚列井井有條
余益信逢簡招討後世有闕人無忝於著姓也

何氏族譜 明何絳撰

姜氏家譜 國朝薛起蛟撰

古樓潘氏族譜 國朝潘蘭皋撰

記家八篇 記縣八篇 記雜二篇合十五册 國朝馮龍官撰

載關錄

案記雜卽記縣之雜者宜入本類雜錄今以合册統於此

右傳記類總錄之屬

南槎記 明會仕鑑撰 南海縣志

軍門志 明會仕鑑撰 九江鄉志

宦紀 明陳其才撰
張府志

西清暇筆 明曾仕鑑撰
九江鄉志

北遊隨筆 明張國基撰
採訪冊

山房紀聞 明潘光統撰
粵大記

紀遊錄四卷 明余世亨撰
陳志

日下紀遊畧二卷 國朝溫汝适撰
阮通志

閩厯隨書 國朝羅磨撰
陳志

彭衙初編 續編 國朝梁善長撰
阮通志

養例偶摘 國朝梁廷選輯
採訪冊

案書例摘載律文自序以父弱冠時其大母抱養一子
此以明養異於繼也因其歷引案牘故錄此

芸窗瑣記 失名
全上

案書失序目姓名附此

右傳記類雜錄之屬

史概

二十一史輯

並明黃需炳撰
金通志

史眉

明梁佑遠撰
陳志

秦漢鈔

明馬夢吉撰
南海志

右史鈔類

案隋唐志附雜史而已通考在霸史偽史後宋志創此而
宋三朝兩朝四朝中興諸志並因之 國朝四庫全書所
自倣也

洪武輯遺

傳信錄

並明梁億撰
廣州鄉賢傳

皇明大政纂

明曾仕鑑撰
南海志

皇明紀畧

明何絳撰
何氏家譜

私案書十卷

明梁佑遠撰

識乘

明林逢春撰

魯蜀文獻

國朝陳蘭芝撰

右載記類

順德圖經

明曾仕鑑撰

順德縣志

明錢溥撰

案此書已久佚今阮通志藝文不過據陳志序著錄而已

序畧云邑自明成化太史錢公溥宰邑創作邑志

順德縣志十二卷

明吳廷舉修李承箕撰

順德縣志十卷

明孫炳鍾華編

案此書久佚通志亦不著主修姓名

順德縣志十卷

明葉初春修葉春及梁柱臣撰

docsriver 文川网
入驻商家 古籍书城

在文川网搜索古籍书城 获取更多电子书

葉初春序日余束髮受書則好觀左邱明司馬子長班孟堅
 諸所論著當其時人心風俗經濟合甲醇駁與發之錄千載
 而上若且暮遇之矣既而對公車家恩俸宰頓德粵廟邑也
 子一旦釋褐而將往理之則矍然內顧懼無以稱塞明旨而
 吳粵寥邈其風土與故又耳而未之月也類難以逸度揣合
 則從粵薦邈其風土與故又耳而未之月也類難以逸度揣合
 考焉二君曰邑志創於錢太史而鄧子幾之續篇也絕筆於
 肅皇帝戊午其後浸殘缺散軼靡得而竟之矣余曰書敘九
 邱詩陳列國周禮誦訓掌道方志以詔觀事久而弗志無論
 文獻罔徵吏茲土者何以因俗裁化酌古為制以施於經久
 哉此必修之書無亦理邑之首務乎二君曰君侯念之幸甚
 比入粵亟收圖籍方謀延請而授簡會承部憲有方田之役
 其明年又當計境內戶口之數中間出入阡陌疲神版築者
 幾二年迨甲申六月事稍集而先期所聘惠陽葉君化甫邑
 人梁君彥國亦至則定義例發遺籍按諸家譜牒兼采輿論
 闕館分曹而必事焉乙酉春二月書成凡十卷又圖二卷遂
 捐俸以授制剛氏敢謂可藏名山而置之座右時一緝省程
 其土宜稽其俗尚明其法戒詳其沿革形而措之勢而置之
 以謹封守匪直余得藉手以復明主繼余而來者亦按籍指
 掌好古君子得以覽焉後之觀今猶今之觀昔若讀左邱班
 馬之書想見其當時行事必有勃然興起者矣知余者其索
 之鉛槧之外可也是役也化甫彥國實總裁之而葉生永和
 羅生於王會生仕鑑黃生為授馬生
 中奇則先後佐成者也義得並列

葉春及序曰萬厯甲申吾家君侯吳西公會主土鑑請石洞
 子志願德石洞子曰吳文學澤數君侯檀見青華卽令剗心
 無當君侯一國無小必有史志亦史也謂有三長不佞不得
 一二少無嗜好欲自託於無能之辭君侯知壯盛之年不知
 吾精以消亡矣三辟之騏驎頓德亦冀北不佞已獲交十餘
 輩奈何奪邑中士大權哉四身既隱矣焉用文之馬隊較書
 淵明所以潁水也五君侯曰先生薄世卿乎石洞子曰君侯
 如獻臣不佞敢辭世卿之役至則世卿書已亡行者獨前後
 兩書豈容之哉豈固之哉郡邑志率多武功彰德則爲地里
 建置祠祀賦役官師人物選舉流寓雜志九篇如吾惠安圖
 其疆里田賦稱圖志云於是葉生永和馬生中奇曾生仕鑑
 原本山川抉遺文軼事齋糧往矣邑延尉梁公所謂奈何奪
 士夫權者君侯曰地里祠祀賦役流寓惟石洞人物二十所
 亦惟石洞餘則廷尉他日或藉是傳不吝我國我哉余既第
 應君侯所署圖未緒正而
 病越吟會生受而撰次之
 梁柱臣序曰邑之有志舊矣初志畧繼志近蕪且闕紀載者
 幾六十年所矣余邑大夫吳西葉公來宰邑諸所闕於民生
 國計大政大務一一奉例舉行之卓有成績獨於斯志未備
 歎焉適不佞放歸田間辱大夫臨覲首以見屬不佞以不能
 辭日新役也微歎植伯執敢任之者而大夫屬委愈至則相
 與譯士之可當校警役者若羅君用賓黃君汝綸曾君聘吾
 馬君仲高葉君伯墳之數子皆大夫所素簡重者也監年春
 大夫將開局舉事而不佞值有奇疾日遲植伯未至乃大夫

藝文畧一史